




原件短缺

P1

平陰縣

劉九法曹鄭瑕丘石門宴集

杜



秋水清無底蕭然淨客心
掾曹乘逸興鞍馬到荒林
能吏逢聯璧華筵直一金
晚來橫吹好泓下亦龍吟

題王廣道環翠堂

党懷英

金學士承旨

誅茅結構略三楹顧揖青山共落成
一徑宛如通榻口甘岑何用詫南城
清風枕簟人間世黃卷聖賢天下名
只恐山靈留不得暮年合起為蒼生

題左丘明墓

王去非

金隱士邑人

寺壓孤墳墳已摧墳前松柏亦凋衰
未能遷寺還封

樹每到親君一淚垂

羣賢登第詩

翟

升

金進士
邑人

陶山先生王文盟

甲公綽
號陶山

郭令建學加勸懲

郭好學
平陰令

平陰儒學日復振不讓五虎專前名
靳侯才名馳冀

北

靳子昭
邑主簿

初官佐治肥子國下車首詢沂上人
供室

勸學增潤色文章圓熟推許公典而麗
兮詞更工山

城天荒從此破白袍換綠崇鄉中

許

蘇仙久藉家學

力內抱英華外謙抑丁年作賦氣凌雲
唾手功名不

勞得

蘇德
秀

古學衆許芝亭劉下筆萬字何能休
俯就

繩墨入賦室一戰而勝酬焚舟

劉

賢哉鄒河子董子

入舉終場人罕比廣陽就試欲投名尚
以老成爲所

恥

董
哲

孝感里中重王兄德與才稱非過情
耽經玩史

日無輟藹然素有場屋聲

王

升也文學宗董氏陶山

竹溪亦席侍靳老餘緒復稔聞駑馬
十駕晞綠耳

翟

明昌天子試飛龍董子王兄又并雄
金門獻賦僕亦

與北宮唱第三人同至今地脉何曾斷
吾鄉士風天

下冠學者體法舊規模豈止爲文思
過半甲氏名族

世共知後之苗裔振復奇潛依祖德
借餘論又向蟾

宮折桂枝甲溪上先生號醇德動為儀表言為則發

明聖道得其傳恩不及身後蕃息乃孫經學有淵源

乙科優中光儒門斬侯名卿能遠慮居賢因此石碣

村王知進李君力學人難企弱冠聲華藹鄉里早承鸚

薦上天廷一舉明經取青紫李可用翠華警蹕幸南都

聖心願治求碩儒日邊詔下免秋試三英笑指龍門

趨錡氏兼經勤博古蘇子天才中規矩李生伯仲三

豪間鼎甲科名俱力取錡申蘇霖李唐英明年較藝入明光

王氏文詞復擅場聖代人才罔遺棄特恩賜第名亦

彰王天一筠窓晝叔閒屈指仕者十有三人矣不才暮

鈍甘隱居但慶諸公膺器使為報後來為學人前進

已達猶教存勉旃勉旃學而仕食祿無忘先輩恩

送王廷玉輩五十三人赴試 翟升

華國英才久作成秋闈戰藝勢崢嶸雖從前舉多借

計不似今場廣薦名五十三人占府榜一千里地赴

神京定應得意春風裏次第同占桂籍榮

題左丘明墓 翟升

春秋好惡聖人同聞說英魂葬此中愚俗豈知賢者

墓荒村易作梵王宮
壠頭藉藉人相踐
泉下悠悠恨莫窮
前弊革除今可喜
盡歸醇德作詩功

登陶山寺

劉仲傑 金清河令

遺跡千年事恐誣
幽棲誰信為陶朱
不知古寺東山洞
曾與西施共隱無

登環翠堂基有感

李鑑 元集賢直學士

遺址荒涼紫翠間
讀書人去四山環
塵埋破硯銘猶在
雨漬豐碑篆易斑
化洽花柳前日盛
道留元氣此時閒
晚生不識先生面
南望三山涕泗潛

演武留題

王綸 平令

遙遙丹詔下神京
讀罷令人歎遠征
金甲當年三月重
浮名此日片雲輕
眼前花木渾無主
去後民思諒有憑
碌碌百年今已半
此生何必說調羹

又

四圍山色曉凝嵐
孤劍如何又指南
客氣未銷真是病
壯圖無遂實堪慙
登龍自笑平生拙
報國惟餘兩鬢鬚
萬里暮雲千里月
相思何處問行驂

東山四詠

河南叅政何海晏 邑人

二月東郊物色新
會仙山下草凝茵
相逢不用頻攜酒
花柳春風自醉人

攜杖憑虛趁晚涼
遶城烟起鬱蒼蒼
披襟不覺青山暮
坐聽蟬聲送夕陽

雲樹蒼茫宿雨收
空明一望四山秋
與君不負登臨約
共上層峰豁醉眸

載酒登山寄遠心
城邊景物動高吟
天涯極目烟塵息
寂歷巉岩興轉深

山門有感

梁 成副使

九月山門秋更新
憑高遙望滌風塵
聲傳靈異緣今日
道合英遊悟此身
碧嶺雲歸訪隱士
荒蹊艸長倦行人
琵琶一曲清歌迴
無限夕陽勸酒頻

步後川韻

都御史 侯 鉞東阿人

載酒山行野興新
驚聞仙磬靜巖塵
玉成兩姓絲蘿好
珍重百年社稷身
夾道黃鸝嘶去馬
悲秋鳴鴈動征人
東山剩有白雲妓
重撥琵琶勸酒頻

元日步雪登東山二首

梁 成

壬申歲月喜重還
春滿乾坤一滿山
與客攜壺同眺

賞酣歌忘却鬢毛斑

六十年前朋輩親而今寥落憶傷神敢論杯酒登高興且喜人間見在身

同後川元日步雪登山

何海晏

積素凝眸霽色開
乾坤萬里淨氛埃
喜逢佳節重攜
手况并高賢共舉杯
眼底峰巒虛玉障
望中樓閣杳
瓊臺登臨剩有人
長健華髮何妨歲月催

八景詩

碧峰仙跡

王綸

翠崑當日會神仙
風景遺來尚宛然
一自鸞輿歸去後
野花啼鳥自年年

前題

訓導 國進 邑人

攜杖臨仙山
古城枕山足
仙旌不復來
山艸年年綠

前題

何海晏

出郭誰相迓
東山獨爾期
幽襟聊自適
野色故呈奇
坐愛青苔合
旋驚白日移
丹砂無復意
回首愧支離

前題

梁士奇 邑庠生

山有遊仙處
遺名聞至今
孤峰留勝跡
煙艸幾披尋

落日荒城外天寒幽岫陰摩挲蒼蘚石虛負紫霞心
峻玉含輝
王綸
碧峰千仞勢崔巍萬壑瓊瑤自蘊輝何事山靈常愛
護等閒不泄就中機

前題

國進

玉在山含輝瑤光映遠野懷珍泣向人和氏何爲者

前題

何海晏

峻玉古城陰迢遙一徑深看雲虛白日藉艸到青岑
完璞還誰識瑤芝尚可尋有懷空寂寞臨眺獨長吟

前題

梁士奇

小山如覆簣數里到來平暇日尋芳艸有時逢玉英
何人探趙璧令我陋秦城不使南荆地千年獨擅名

錦水秋滌

國進

寒泉清復清曲轉抱山城虛碧疑凝玉臨流好濯纓

前題

何海晏

錦水碧潺湲泠泠下石川波平寒引玉堤轉晝浮煙
皎月侵潭迴孤城入鏡懸茶爐烹活水清興滿尊前

前題

梁士奇

一水如縈練潺湲帶郭斜石灘秋蘸月山漲曉侵霞
橋外人祓禊城邊女浣紗平堤與煙柳清映幾人家

前題

趙國賓

錦水遶城闔泠泠清映心迴流幾曲轉煙柳兩邊深
淺瀨紋如織寒灘響似琴能令城市客長得浣塵襟

水山疊翠

王綸

巉岩碧樹聳飛環翠色凝眸未可攀啼鳥野花無限
趣幾迴人在畫圖間

前題

亞元賈琦邑人

羣山拱峙水迴環峭出岩岩柏可攀上至層峰壁立
處涓涓一派瀉雲間

前題

國進

蒼翠水浮山山深人跡少山僧不記年獨伴青山老

前題

何海晏

名山何所有松栢鬱青青石竇侵寒玉雲崖列翠屏
殘碑留淨土古塔入空冥不盡登臨意歸途見月星

前題

重疊煙巒秀嵐光欲染衣為憐叢桂好更覺小山稀

梵宇圍青萬人家住翠微時看禪塔畔縹緲綠雲飛
杏壇遺響

王綸

當年尼父此經過轍跡傳來尚未磨讀罷殘碑多感
慨古臺荒艸夕陽多

前題

國進

荒山餘古道聖轍此經過遺跡幾千載流光耿未磨

前題

何海晏

聖遠遺踪在山深野徑荒丹青肅古廟對越裊名香
六籍隆今古百王重典常因懷傳道日彷彿見宮牆

前題

梁士奇

紫蓋鬱蒼蒼孤峰標聖堂四時誰俎豆萬仞見宮牆
勝跡千年在流風百世長高山多仰止臙比愛甘棠

石門晚照

國進

石門敞巨巷車馬日紛紛為愛暮山好停驂到日曛

前題

何海晏

木落萬山秋石門晚更幽殘霞拂遠樹斜日下荒丘
驅馬穿雲入停尊待月遊平生耽野興到此倍淹留

前題

梁士奇

石門饒勝槩數里盡山行半嶺通人過虛巖應鳥聲
莫窮轍跡妄自得永嘉名青壁有蘿薜返景照分明

前題

趙國賓 邑人

向晚驅羸馬連山度石門虛巖時掩映半壁未黃昏
洞口殘陽滿山隈暮景繁歸鞭清興足村樹指平原

吳溪沉月

王綸

漁火黃昏泊釣頭月明初上照寒流烹魚載酒人何
處搔首令人憶舊遊

步前韻

賈琦

月色涓涓午夜頭蟾光何自浴清流似因桂殿多岑
寂間到水晶宮裏遊

前題

國進

短棹泛吳溪皓月來滄海欲掬一輪清移尊聽款乃

前題

何海晏

晚來秋色好明月落前川影射寒蟾窟光浮綵鷁船
平沙晴映雪曲浦淡迷煙尊酒誰同醉長歌向遠天

前題

梁士奇

一夜吳溪月寒光滿落潮犀燃牛渚潤珠弄漢江遙

烏鵲飛難定魚龍喜自驕山陰有逸棹竟夕起長蘆
天井飛泉 王 綸

瀑布經年滾雪花遙觀天際接烟霞行人莫問源頭
事江漢東流日夜賒

前題

國 進

石澗有名泉泉聲日夜喧滔滔不復住誰解問真源

前題

何海晏

寒泉噴野澗歷歷見飛瓊探穴疑無地聞風訝有聲
為霖川谷潤到海浪濤平歲月無端逝臨流慨此生

前題

梁士奇

碧甃無人作銀牀水自濺為看雲液漲疑與海濤連
溪瀉千斛玉山凝兩岬烟蛟龍深處臥不數桔槔懸

咏竹花

訓導 湯 沐

解籜新篁原耐霜仙花忽吐冠羣芳葉繁蘭砌陰方
午節映萱堦日正長棲鳳枝梢非嫩弱化龍形狀早
堅剛淇園自後無消息從此復賡綠漪章

前題

湯 沐

庭栽嫩竹吐仙花况是山城第一家地若無心生艷

平陽縣志 卷八 詩
蕊天將有意產靈葩孤標聳秀清風遠翠幹迎祥紫
誥加指日枝端集彩鳳好賡清節染丹霞

登水山寶峰寺

提學副使沈鍾

峰尖孤塔勢嶙峋培塿紛然莫與鄰十里橫空開野
望一錐直上插蒼旻憑誰剏造何多巧助我登臨或
有神歲月并題詩句尾山僧煩爲勒堅珉

平陰卽事

巡按御史畢懋康

霜臺老柏葉沈陰坐對燈花喜不禁
充地山川青未了歷城雲水碧尤深
盈窓素月幽人夢棲樹寒鴉羈

旅心明日春郊動春鼓新年農事又將臨

步前韻

參政張邦教
山西人

碧山紅樹晝常陰駐馬西風意不禁
擣練誰家秋院迴挑燈客子夜堂深
支離半世恒多過真率平生只此心
稚冷烏啼眠未得小窓月色又重臨

春日同王馬春元劉文學遊水山寺 李陰

陶山遊已罷復向水山行文雅推摩詰
風騷得馬卿鶯啼催柳色鶴夢破松聲
孃孃天衣動嘈嘈梵樂鳴香泉流皎潔
寶塔立崢嶸傲吏非凡吏禪情卽野情

劉郎攜尊酒石上話三生

水山漫興

御史張寅 太倉人

山聳峰巒秀路盤松檜稠水光層翠落塔影半空浮
醒酒風前佇題詩石上道何時重到此暮紫更淹留

徐南龍令君見餉賦謝

文定公于慎行

傾蓋相逢意頗深高軒銀燭夜沉沉斗邊久識豐城
劍堂上時聽單父琴百里謳吟欣化俗千秋風雅重
知音瀕行復枉瑤華贈回首山城思不禁

山門 有序

兗州府推官宗文儒 清宛

自東阿抵平陰中途山巔有洞徑乃二邑往來
必由之路其險隘天造地設雖青之雲門奇勝
未能是過土人呼為山門予鄙之因更其名曰
天門且以慶生斯地者出入是門若登天然土
人固由之而不知者也漫成一律以識歲月紀
一時命名之義云時萬曆元年癸酉仲春朔 日也
高地名山幾見聞柯亭盡處入天門空濛扃洞朝飛
雨縹緲虛崖夜鎖雲信是天 二通玉闕豈由人力鑿
崑崙題名欲作天門賦行色匆匆媿不文

登會仙山

孔璟

一眺重巔百仞高無窮詩興入秋毫煙含曲水翻羅帶雨壓羣山湧翠濤

前題

教諭張麟浙江人

乘閒特地東山百里花封指顧間翡翠屏中人步過丹青嶂裏鳥飛還不堪秋氣薄詩骨頓覺夕陽浮醉顏刻石雖憑二三子石災應笑我追攀

步西野先生韻

何海晏

孤城東望接東山仄徑荒崖咫尺間人物幾隨浮世

變雲霞長傍古岩還雨餘芳艸堪乘興洞有丹砂可駐顏覽勝不妨長此醉肯拋暇日廢躋攀

暮秋徐明府南龍復枉駕見過水山別業

新城張承寵邑人

閒居日無事高臥西山秋既解栗里帶還效竹林遊南龍豫章材海內飽風流能騎山簡馬數枉習池頭憶昔君來憇兩兩鳴春鳩及茲攬時芳花開黃金浮佳期杳如昨物候一何適感遇悲今古惜陰競勸酬柏枝拂酒翠嵐光入座幽遠心憐勝地欲去復淹留主人忽大醉長嘯問賢侯宦况君何若吾將老一丘

出平陰道中望東阿

沈鍾

西出平陰五十程東阿山下擁孤城石門壁立緣天
造驛騎風飛趁晚晴節令忽逢冬十月衣冠喜接魯
諸生微官畢竟真何物黍與斯文頗不輕

過石門有感

前人

峰尖雙壁石門開車馬東西互往來管取五丁神斧
劈信教千頃野雲堆縱雷炎夏全無暑迴隔人寰不
受埃五十年來纔一見再三瞻盼重驚猜

暮秋遊水山寺

東平州同知
署平陰縣事袁思忠

久慕層巒古刹名浮屠絕頂壯山崢嶸花香自岩壑
遞柏樹根宜石縫生盤磴橫斜誠險峻方渠清淺未
鸞盈飛來一騎傳消息遊興從教不盡情

步前韻

平陰令王自謹

層巒古刹久知名翠遶雲封山嶺崢嶸野花遞香撲佛
面柏林叢密澗石生蹊徑磽确真險度源頭活水自
常盈但得身閒無俗慮遊人到處有餘情

與友人登水山

大叅趙雲翔 邑人

寺古曇花老山深鐘磬幽柏根蟠石窟塔影落峰頭

把酒論前事揮毫紀勝遊夕陽如有意肯不為君留

中秋孫參藩招登瞻闕樓

漫賦

邑令

徐州牧

江西人

西風爽氣入深秋河漢微雲暮盡收已愛青山俱遶郭還因明月共登樓光連粉堞天疑近影落金尊露半浮最是良宵仍選勝冷然真在廣寒遊

和韻

山西左

孫

琬

邑人

高出層城望正秋一天明月坐中收登臨爭似滕王閣嘯咏非同庾亮樓樹色淡迷千堞暗山光遙映四欄浮絃歌此日逢仙令更喜清宵陪勝遊

和韻

安慶別駕

趙國賓

邑人

落木蕭森四野秋錦城風物共君收步虛賴有長房杖探勝全登拱岱樓短髮凌空吹帽落流霞印月滿杯浮洒然身世滄州上今夜誰知是勝遊

和韻

劉敬業

銀蟬皎潔正中秋景色城頭取次收東岱雲生連蜃閣北辰斗轉棟龍樓琴鳴單父清風遠劍化豐城寶氣浮听憤憑虛天萬里星槎何用慕仙遊

和韻

王嘉命

四境蕭蕭萬籟秋
瑤天風景坐來收
校書未上石渠閣
作賦全憑王粲樓
水映天光清影湛
風颺桂子暗香浮
何須更問三山勝
此地真成物外遊

送徐南龍令君南旋

于慎行

君行良不任河上
理蘭檣客夢齊
山隔鄉心楚塞長
春歸見芳艸人去
思甘棠日望雙鳧
影翻飛近尚方

題孫湛明侍御征西卷

前人

朔方昨歲起邊聲
繡斧親征六郡兵
漠北烟塵歸指顧
征西車馬借威名
寒笳夜靜昆邪塞
漢月春暉敕勒營
猶有遼陽兵火在
還將前箸贊昇平

題湛明孫侍御百尺樓

前人

仙家何地接蓬萊
畫閣平臨百雉開
遶檻溪山春隱映
宿窓星斗夜昭回
雲臺舊抗匡時疏
天祿還翹著賦才
莫謂長安看較遠
紫微深處是三台

送徐南龍令君北上

前人

盧子城頭問去蹤
不堪別恨結遙峰
春風幾發河陽樹
客路重趨薊北鐘
豈有明珠藏薏苡
惟餘長劍吐芙蓉
浮雲西北休愁思
霄漢還應雨露濃

送平陰楊令遷晉府審理二十二韻 前 人

藉甚神明宰循良踵二京關西綿世胄梁苑茂家聲
玉季雄霜府蘭昆比月卿談經推上第縹組試專城
濺澤同春育孤操共水清萊蕪塵旣滿單父玉琴鳴
紀政馴田雉憂時憤海鯨懸金親教射握槊自譚兵
月稟揮將盡雲徒練已成不甘馳羽檄直欲請長纓
廟畫方蒐雋藩僚亦採英會聞公府辟先假士師名
彭澤歸陶令長沙名賈生兒童啼擁路父老泣沾絃
花樹存遺愛棠陰鬱別情幽居門久杜過訪蓋頻傾

聽雨山坳醉衝寒渡口迎談玄詞要妙舉白氣

自覺交情洽誰堪遠思盈寒冰結去水飛雪繞前旌
鼓吹聲何急驪駒賦載賡壯心應未已斗畔倚青萍

楊善談兵適被撫臺檄留
欲赴東征故篇中及之

題張荷寓新築園亭亭在鳳山北錦水之澗

官生 何自軋 邑人

卜築鄰蕭剝由來識地靈山光杯共泛溪響座同聽
四壁琴書古八窓風露零問奇人載酒疑是子雲亭
岱西山人歌壽何吏部敬菴 于慎行

君不見岱宗之山海上起雲霞沃宕三千里七十二
峰峰插天西支半落清河水山川回合勢連綿靈氣
應鍾不世賢大名誰者齊北斗岱西山人行地仙山
人舊隱雙龍關左省含香陪上列共道詩名水部傳
更聞啓事山公絕一時流品入陶甄簡要清通世所
珍三十朱輪行寶陌衣香風動洛陽塵素心忽憶棲
巖谷解組歸來雙鬢綠玉樹多從院宇生蘭房近傍
煙雲築山人脩脩六十餘頽頽綽約玉不如載酒時
遊廣里月垂竿閒釣錦川魚石間有伴餐瑤艸玉丸
金牀春色曉人間已自有蓬瀛何人更說蓬瀛好爲
翁抗節歌欲長瓊卮起壽春茫茫泰山若礪海水竭
六年不凋齊日月

春日同王春元遊幽棲寺

陽穀令李 蔭 內鄉人

連朝城郭染紛華覺路追尋豈厭賒擬向夜深還對
月獨憐春早未逢花倘來軒冕原無意到處溪山浪
作家更喜吹笙偕子晉不妨歷覽入煙霞

勝槩八詠

張承寵

不出郊坰訪碧岑相傳仙聚到於今誰知跨鶴凌虛

子更幻靈蹤透石深

鄒魯當年聚友生
緇帷林下一經橫
祇今風教如鳧嶧
入夜猶聞絃誦聲

溪色蒼蒼沙篆平
更堪向晚月華生
小星依約漁燈隱
彷彿人於鏡裏行

石門誰爲鑿巘
屹好在斜陽夕照殘
怪得行人延佇
晚虹霞百丈上征鞍

可愛蒹葭露未晞
淪漪秋舞縠紋微
圍城一帶碧清淺
多少漁竿上釣磯

天井無勞鑿隧穿
飛流神瀆自濺濺
還應憑仗乘槎客
爲問靈源到上天

質美有餘詎受凋
芒稜八出果竒標
峰頭雲氣常吞吐
誰識山花盡玉苗

不信水山水是山
暗泉到處聽潺湲
最憐嵌碧峰千朶
老檜株株上翠鬟

前題

文學

趙方曦

邑人

仙人一去不重來
留得遺踪與世猜
漢武秦皇知此意
何須海外覓蓬萊

紫蓋山中雲樹蒼
傳來孔子教書堂
列侯霸業烟銷盡
惟有尼丘聖澤長

古渡清河水漫流
溶溶月色玉光浮
棹將一艇蘆邊去
不減黃州赤壁遊

峰頭誰遣五丁開
天闕斜陽返照來
若使拾遺今尚在
林丘指點倍興懷

淺碧粼粼郭外灘
秋深風細縠紋攢
游鱗來往紛如織
忙殺兒童理釣竿

石甃寒泉瀉碧溪
橫流曲曲遶柴扉
更教移掛高峰頂
誰詫天台瀑布希

空山寂寂踏蒼涼
細雨琅玕出路傍
須信儒爲席上寶
千秋靈秘發中藏

山如壘卵柏如蹲
翠巘丹崖萬古存
應是水山渾是水
不然何自長靈根

晚宿平陰室有囊琴法帖沉香端硯縣令閩產

宜其辦此有作

巡按御史魏光緒 臯狼

清供此中難
風牕足幾般
馬蹄臨摹本
鴈眼舊坑端
沉水隨商舶
歸雲稱夜彈
主人閩地產
娛我鬢開顏

和韻

邑令 蔡可陞

輝毫一壁上秋落五雲端風化思琴治霜飛覺座寒
豺狐聞處避驄馬到來安爲計蠲租策還憐幾郡殘
其二

戰國驚初定巡行掩淚看懷因萬姓愴聲寄一琴彈
漏動翻書靜燈清對夜闌誰知辛苦意攬轡不遑安

酬魏直指示詩

舉人 孫振圖 邑人

攬轡登車合有人澄清驄馬到來新全消窟穴雷方
震獨照逃亡月一輪口角吟成翻白雪指端枯

青蘋綠林尚自留餘孽還藉前籌慰紫宸

石洪晚雨投宿農莊

蔡可陞

走石飛沙水漲溪投林暮雀惑東西天昏有電千村
照溝渡無橋亂馬嘶破屋雷聲羈客坐愁腸燈影酒
家迷莫嫌藍縷巾紗濕曾說林宗折角低

劉允默惠牡丹賦答

前人

房櫺驚喜到華穠何處紅粧闌冶客霞映不妨瓊液
醉風狂須護錦幃重欄凭短子翻唐曲夢惱襄王亂
楚峰湖海花朝無定跡殷勤能得幾相逢

丙寅署中元旦二首

前人

共傳宵霽宜豐稔笑把屠蘇慶百巡
老父擲骰祈壽考兒童着綵戲
青春誰家盤菜無留客何處鶯花不
趁人簫鼓滿城吹暖律怎銷霜鬢
答年新

山城新朔雪晴天尚得陽和到地偏
芳艸還來生怨思東風空度枉周旋
焚香封印終朝吏臥榻關衙半日
仙令節堦墀無別祝聖明春轉太平年

人日宴會仙觀迎春

前人

殿下堦萸綠漸長笙簫青帝出東方
冠裳不礙遊人

綺爭催獻柏觴彩燕寵頒歌白苧
紫駟驕控闕

紅粧琵琶休訴春心恨鬢上尋芳
蛺蝶忙

北地新春皆戴綵蝶

踏勘災傷有題且鎮村壁

前人

土荒民有骨電打地無毛妖氣何能
歇災傷可重遭帝閭難直叩王事敢
辭勞何物干天譴衣冠莫濫叨

其二

氓黎思避地雞犬欲依人造化將傾
覆蒼生合苦辛陳詩慚國俗占易策
經綸掣肘從來事相看淚滿巾

春日遊水山

孫振圖

東春常作采真遊翠頂松聲森似秋寶閣峻嶒雲外
迴嵐光迴合鏡中浮風前玉樹應推謝觀裏桃花不
問劉攜酒看山雙屐健交情況復古人儔

仲春園居感懷

時有土寇之警

前人

雲閣踪方遠濂溪趣每親園荒陶氏徑扇障庾公塵
擾擾烽烟候依依桃李晨山林亦險地何處卜芳鄰

登龍橋壽峰山

前人

詩峰騁遐矚靈傑憶冰清遠岫疑髮列澄波似帶濛
刀車纔欲駕烽火漫相驚借問同遊者何人願請櫻

公大叅趙公之壻

泛舟清河爲泰雲伯兄招飲

前人

簫鼓喧闐起畫舫芳樽共醉水雲邊泉聲近向灘頭
響山色遙從樹杪妍品擬太丘真嶽嶽文同司馬自
翩翩春遊不負池塘艸擊節何人濟大川

河決歎

趙貫台

山城平地作江鄉世幻年來真叵量樹杪風吹舟葉
葉岡頭雪湧鷺行行漫勞部史築堤堰枉向侯疆問
稻梁清淺蓬萊誰眼見只今桑土變瀛荒

冬日登會仙山用石上韻

明經張宗旭 邑人

峒堯宮觀隱仙山海上蓬萊一陟間藥白無聲禽自
語雲車不至鹿長還凌風策杖渾忘老拂岫啣杯亦
駐顏何用別求方外秘空憑遺跡悵迫攀

前題用山間韻

拔貢張中适 邑人

共惜仙曾會此山安知今去此山間幾株碧樹留春
住一片白雲待鶴還靈枕難醒顛倒夢流霞不醉利
名顏嚮孤自遇雙童引塵外遐踪莫厭攀

秋日登水山絕頂

張宗旭

券到南屏為聽泉振衣時上最高巔頻看下界低
樹遙望平湖細海船僧唄不聞鳥語靜客遊瞥見
行連負暄嗟畔長曠去輒至燃燈歸梵筵 時河決全堤東南

此 遊暇

去任旋里別張也顛

邑令唐虞讓

目憐肝膽向誰傾梅閣登堂午夜清柏葉滿浮三雅
共燈花笑對二難弁莫言拙宦疎時務且喜春風不
世情南望楚天湖水濶報稱何日拜先生

登廟山觀黃河水勢

趙貫台

憑虛極目冷霜葭浩淼瀾光映日斜浦口秋聲吹
子山腰春浪滾桃花海門直下波千里梓社平湮戶
萬家何日立圭稱底定還看鴈影落汀沙

河決

張宗旭

想是災黎災未消故教河水勢方驕正愁百畝逋荒
賦又見千邨逐落潮樵竹靈胥惟望塞轉漕部使更
言挑聖人何日憂昏墊成允於時再頌堯

和趙紫垣韻前題

前人

日波怒捲盡窮鄉深谷長川不許量濤屋翻村漂個
個浪花滾樹漫行行鼃鼃驕蹇多巢窟鴻雁飛鳴失
稻梁河伯有靈稱善徙小民無計避奇荒

雨後携友遊水山

前人

剛道水山奇未探乍來一雨洗郊南澗邊初漲添飛
瀑岩際新晴褪宿嵐石潤翠屏詩易就颺清檀閣酒
難酣不堪薄暮促歸騎擬與鶴棲倒影菴

碧峰仙跡

前人

碧峰仙跡尚依然留賞東郊閱歲年名美展從蹋艸
藉地靈臺作泛花偏游童話往憐青蘚達士探奇想

素烟姑射山頭應不羨幽踪只在錦城邊

天井飛泉

前人

天井飛泉水勢殊乘秋怒激歎模糊夜聽潮信來江
海曉汲人虛轉轆轤狼藉風吹珠蕊散嶙峋寒並玉
峰孤南中匡布三千丈得似如今倒瀑無

錦水秋濚

前人

錦水秋濚漾遠津灣環幾曲抱城闈寒沙閃樂明金
碧疎柳參差亂荇蘋漪動漫流題葉句波光晴艷浣
紗人橋邊小閣臨溪迴長日宜馮數素鱗

峻玉含輝

前人

峻玉含輝輝幾銷熒熒雨霽認山椒形同滄海珠生
角暈起藍田璧長苗採綴自然堪子佩擣食不盡任
仙樵賈胡碧眼無勞盼人士遊探未寂寥

水山疊翠

前人

水山疊翠幾重重聳立巖阿秀一峰嵐護柏根無土
擁潤添石上有苔封相看倚杖沾衣濕獨坐題詩對
酒濃靜裏時尋遠公話石梁攜手可從容

石門晚照

前人

石門晚照破幽森碧影東過透嶺深古洞爭來探禹
跡窮陰忽喜見天心凝冰礪帶經年雪惜墨鴉翻數
點金路近山郵客好事憇鞍暮倚費沉吟

吳溪沉月

前人

吳溪沉月歲方除向晦波心有望舒地自河干瞻漢
渚人於水底覓蟾蜍狂溫燭怪休燃犀醉李臨流定
跨魚更有漁燈明荻岫元宵五夜比何如

舊傳于元
旦夜見月

杏壇遺響

前人

杏壇遺響自悠悠玉振金聲聽不休反魯鐸音傳紫
蓋衰周黍詠起尼丘村留姓氏名猶貴萊釋登臨
亦酬勝地幾辭興廢感經筵萬古遡風流

吳溪沉月

張中适

渡口人稀暮煙生山頭月上溪水清沙光兩岬添泥
濫帆影千竿落縱橫靜鷺傍洲窺鏡立遊魚吹浪負
冰行蘆中垂釣在何處忽起滄浪笛一聲

錦水秋濤

前人

錦川舊向錦里城七月八月錦泉生遠覓大河來宛
宛數經亂峽鳴琤琤過橋猶作菊花氣出郭惟聞鴻

雁聲水到有情流自緩曲堤繞盡始西行

天井飛泉

前人

泉出天井淨輝輝驚波怒濤起翠微不堪就下隨流
去故作凌空四散飛驟雨杳來醒鹿夢迴風乍舞濺
人衣可憐牧犢者誰子臨漱鳴鞭向晚歸

杏壇遺響

前人

紫蓋山下姓爲村紫蓋山上樹作軒文物幾隨衰艸
盡林巒還借故壇存屢移年代成今古不改冠裳走
屐奔到此方知木鐸貴獲麟歌鳳莫重論

碧峰仙跡

前人

清泉綠樹護仙宮仙侶矜看小華嵩果爾飛吟今海
外依然遺跡尚山中身多毛羽還家重慮雜塵囂着
屐空試到斷崖殘柏畔飄飄逸致欲乘風

峻玉含輝

前人

昔聞玄圃多瑤艸今見廬山盡石英過雨還疑殘電
在披沙自有彩霞生問名品列神仙傳指地星淪太
乙精色並荆南形更異不知若個可連城

水山疊翠

前人

秀絕榆山是此山巒巒樹樹盡堪攀柏經暖日香千
陣洞有幽光水一灣寶氣長浮仙嶂外閒雲不離翠
屏間高僧不與層茅地結社蓮花好閉關

石門晚照

前人

嗟峨面起晚陰道天半忽看斜照浮人喜發蒙過古
洞馬愁歷險望平疇溪雲初起帆光亂山氣夕佳鳥
語幽不是筭程途尚遠能無臨眺此淹留

登水山寶峰下旃檀閣

趙貫台

白衣大士閣幻構寶峰前木末蒼霞積石梁碧艸芊
經營三月計證悟一燈傳須信巖爲岍棲身鷲嶺天

題左丘明墓

前人

左氏遺文天下識誰知烈骨此中埋每從妙傳窺精
魄特向殘碑拜艸階直道不隨周氣盡高風詎許後
人儕斯民三代何時復展對荒墳爲愴懷

前題

張宗旭

太史云亡歲月深還瞻祠屋感人心千年直道披榛
莽四尺孤墳並楷林公穀竒文空宕往春秋實錄獨
傳今謾言杜預生多癖一弔英風自可欽

前題

張中适

借史維經意頗深依經作傳有同心一時聚訟來高
赤千載相知見杜林人去微言留自古恥存直道重
於今素臣論定還祠廟下馬園陵拜所欽

函山八景

南洞桃花

張宗旭

窈窕尋南洞溪行石徑斜傍巖無雜樹夾岍盡桃花
香裊風迴細林深蝶去賒幽源杳莫測何處有仙家

前題

趙貫台

從來山態最桃花函窟千株艷始華背日好風吹別
壑當春細雨散明霞客于藉艸拈紅瓣僧自穿林披
絳袈岩曲但無漁子棹那知不接武陵涯

前題

張中适

仙種參差遶石扉幾枝疑艷帶朝暉人家聞犬知何
處道士乘鸞去不歸開盡幽谿常寂寂拋將流水故
依依蟠根迴與繁華別莫向東風悵晚菲

萬木清陰

張宗旭

巉巖鮮直木萬本俱離竒幹异枝相亞崖分葉錯垂

苔痕皆淺碧夏氣總寒吹石上談經徧何勞行蓋隨
前題
趙貫台
奇樹難名紛欲拏蒙茸石阪望來遮羣鳴林鳥春爲
帳一足山魘夜作衙樵販不愁暍病苦展遊翻喜隘
塗嘉禪寮一叩還堪賞葉葉烹來瓦鉢茶

前題

張中适

山林相得兩相宜樹密岩端秀不虧空翠自能留
齒蒙茸好爲護苔滋雨餘谷鳥啼聲緩風靜石枰着
子遲一枕北窓終是暫杖藜永日上皇時

西巖夜月

張宗旭

山中月色佳况陟西山巔望迴千林宵光凝萬壑
明河低岫澹清露上衣圓愛此空潭曲幽人獨往還

前題

趙貫台

東嶺西巖得月俱西巖看月乍圓殊洪濛小闕分泉
石光氣直侵亂鵲烏醉客舉杯邀藥杵幽人拾翠遶
屠蘇因思濯魄冰壺語若爲斯傳景不誣

前題

張中适

西巖暮靄淨孤楞漠漠瞻光隔岫深寒氣未團仙掌

露清輝已映女蘿藤飛鳴古嶠時驚鳥跌坐禪房欲
定僧頓豁心胸拈一偈小池印出影渟澄

秋風紅樹

張宗旭

秘殿倚秋風含霜萬木紅淺深設色異遠近着花同
荀鶴楓林葉小山桂樹叢晚看彌不厭高咏夕陽東

前題

趙貫台

鷗入南梧葉漸吹雲林樹樹染臙脂望中花發迷丹
嶂醉裏虹流暈綠巖棲樾寒鴉依照晚停車高士愛
行遲誰云秋老山俱寂猶是春光二月時

前題

張中迺

秋容無限望中探萬木經霜變嶺南翠幕迴非春雨
色烟梢盡帶暮山嵐客綠書積藏精舍鹿認花啣獻
佛龕試比丹楓何所遜幽蹊應不謝江潭

三泉交瀉

張宗旭

三泉自擅名何地不泉聲坂上還交絡峽間只亂鳴
分來藥圃滿流處稻畦平渺渺滄浪興長歌懷濯纓

前題

趙貫台

勝若無泉總不偏何當岩腹竟濺濺亂波感荇牽鷗

屢雜石生苔供鹿跡汲每添鑄煎苦茗決常膏土灌
平田逢人漫說匡廬布品次還應俟樂天

前題

張中适

到處靈涵玉乳分尋源不獨有南薰爭流淺峽同歸
壑閒度輕陰總映雲蘭徑春開供竹祖松脂夜煮引
桐君層茅喜結東林下向晚泠泠和磬聞

五峰雪霽

張宗旭

積雪照皚皚五峰霽色來心光圍冷日石勢墮崩崖
巖徑滑猶濕岩扉寒不開前溪無短棹僵臥對疎

前題

趙貫台

一林同雲破陣時五峰霽色漾琉璃崩崖照峴嵐初
老樹飛花塔轉迷疊疊鏡光開遠碧岢岢星點送
吹却疑佛土梅檀境龍女擊珠列玉墀

前題

張中适

山中高臥雪編好閣外行吟霽更嘉半嶺冷吹雲氣
薄上方影射日輪斜給孤買地金初布五老登峰髻
已華坐對靜叅如來意九年消息悟非賒

瞻眺天門

張宗旭

望望東南勝蓬玄擁碧今天門開遠眺日觀盪幽襟
不辨相如禪如聞梁父吟巖巖千氣象吾道重于今

前題 趙貫台

嶺頂東瞻岳所宗蒼靈雲鬣盪心胸天門四十八盤
路日觀百千萬仞峰曉霽恍披金薜荔秋深真對玉
芙蓉蓬玄不比蓬山遠欲陟層霄問化踪

前題 張中适

岳頂曾攀意所親南山東眺儼如鄰
客百里看君似故人雙闕有雲通

先秦此身恍置嗟峨際入眼青葱愜素因

清河帆影 張宗旭

高岫掛河流波光百里收長鴻雲外沒遠嶼鏡中浮
寂寂沉歌櫂星星認過舟翛然罨畫意衣帶起滄洲

前題 趙貫台

直北峰頭暢遠眸清河十里鏡光浮
去時見帆隨日影流泛泛不迷堤畔柳星星共識水
邊樓何能更起滄洲興臨眺仍兼狎白鷗

前題 張中适

波光何處俯灣灣西北溪流若帶環百丈纜牽烟樹
裏千帆影落夕陽間遊同麋鹿心無着地遠見鷗意
自關誰謂滄浪清興渺笛吹一夜滿秋山

已卯歲旱曠泉涸樹槁擬與黃壯菴明府芒種
看山苦無佳况忽先一日大雨如注遂分韻

速之

張宗旭

心期觸暑倦看山好雨忽從一約間種秫未孤彭澤
願催詩那許少陵閒應知洞口流堪漱自是峰頭
以是明日衝泥須早上滿拚村釀為開顏

答和張也顛文學韻

知縣 黃用學

老大癡頑學看山天人巧合一時間東郊忽滿農人
望南陌肯教樂事閒洞口鳥喧山欲語峰頭日霽黛
如鬟凌晨便待籃輿去擾亂春風覺厚顏

城南雨後看山東張也顛

前人

城南蕭寺客烹茶酒聖詩魔興味嘉日射壇中開法
鏡雨飄松外落天花澹交自是心如水平夜偏宜杯
泛霞白雪歌殘林木振郢中高調屬君家

留別山中

前人

個中意味有誰知我與先生恨見遲松徑琴樽憐把
臂夜燈風雨繫相思離羣自覺神魂失對酒偏驚道
路岐遠別平城情切切玉河西畔柳參差。

壬申歲洞成

張宗旭

礪戶高局石鑰懸乍開滿谷漲雲烟參差乳穗全無
土晃朗瓊房小有天閱世不知更晉魏煬和誰復辨
寒暄碧桃花樹何年種每上層峰懷大仙

南洞桃花

廣文 李士雅

洞口逢春早桃開萬樹齊隨風香散聚逐月影高低
乍覺紅雲亂深愁錦障迷此中殊可任何用訪漁溪

萬水清陰

前人

地僻人踪少山深雜樹多應知樵不到祇有鳥相過
葉暗晴疑雨烟濃翠染螺苔痕猶畏淺夾路植松蘿

三泉交瀉

前人

一帶澄泓色淙淙萬玉鳴晴窓微借潤夜壑巧添聲
赴下情如暱衝崖勢欲爭何當攜芥片活火就煎烹

清河帆影

前人

不盡長河色憑高一望通舟行積翠裏人語澹烟中

平陽縣志
卷八
下
三九
听轉千聲櫓波恬幾處篷江南風味在隱隱夜燈紅

西巖夜月

前人

候月須高阜清輝似欲添纔臨藜木杪已照萬峰尖
但覺晴霄迴爭知夜漏嚴人天清勝會此地可相兼

秋風紅樹

前人

謾說春光好秋深景自嘉卽看霜後葉詎羨雨中花
欲老容偏艷將飄態轉加涼風吹片片幾樹繞輕霞

瞻眺天門

前人

嶽路從誰闢蒼茫望有門羣山推是祖列嶂總如孫

今古曾何變乾坤只此尊每因瞻仰後謾謾肅心魂

五峰雪霽

前人

曉日散餘寒晴峯入画看依依雲歛岫瑟瑟水流灘
漸放羣峰翠全呈遠寺丹冬暄逢不易亟跨訪梅鞍

遊南洞和韻

程邦彥

乍入嶙峋古徑懸龍葱嘉樹鎖蒼烟花收嵐氣浮山
殿霞帶泉光繞洞天閣上羣靈嬾化育眼前四序認
寒暄誰驚村犬雲中吠料想深岩有地仙

壬午春杪孫象明社長洎源玉招同張赤城訪

錦源于喬口村

趙貫台

吳源輪湧艷青鳥幾載山靈未可呼
茲日春飈吹隴麥何當清泚漾菰蒲

爲探名勝踏蓬蒿纔罷登樓便藉
毫岫色青如螺子黛溪光綠於鴨頭毛

艸木曾經蹂戰馬風雲常爲護柴扉
嘉辰會得賢人聚噓吸穹蒼定不違

兀龍湖海氣熊熊競訪飛湍走碧
猗爛醉逢人開口試看我輩誇長虹

遊函山不果東張也顛

姚桂人

朝來爽氣好看山幽興無如屐齒間
歲月浪拋綠事障風塵未得遂身閒
花明南洞成紅錦雲護西岩結翠鬟
却寄山靈休寄笑臥遊夢裏亦開顏

題程簡孀墓

吏科都給事中孫光祀邑人

程母清風不可攀荒原颯颯瘞貞顏
三尺冰心堅漢柏一生霜影照秦山
秦山漢柏拂蒼昊清風萬古吹秋艸
內則長留天地間皎然懿行同杲杲
剪髮和丸自於邑森森膝下看成立
鄒母祠前夢再回敬姜杼

似絲重緝令子白髮過古稀猶厯孺慕憶音徽風木
驚心不可道更從何處舞斑衣孫曾蔚起光門祚爲
聽邢州歌五袴由來壺德衍餘芳會看濟濟翔鴛鴦
邑里相傳羨女師孤節昭垂動有司彤史揚芬金石
永山靈隱見護豐碑

題程溱右隱君墓

前八

宗俯萬仞下見百城低盤紆巨滄海生材靡端倪
乘時爲舟霖韋布豈踏泥自昔伏子賤一經臥葦圭
衰年餘九十典誥開羣迷又聞徂徠生志學躬劬型

聲名動天子忠孝甘排擠吾邑有賢躅方茲志量齊
程公奮田間今居古與稽高風邁流俗曠度飛雲霓
雖亦淪諸生多士共攀躋絃誦徹晦明桃李下成蹊
執經課後學殷殷勤耳提子姪及諸孫摛詞若虹霓
樸厚挽時趨坦懷絕町畦有時憫天人中夜起聞雞
至性敦嫻卹千錢掛杖藜家貧樂施予觸目矧遺黎
身隱道彌尊懿行炳縹緹憶余昔從游少年尚佩觿
今看鄭公墓書帶艸萋萋

喬口觀水

四首

張中道

幽尋不覺遙舉目望塲圃知是故人居側聞故人語
轉巷見勤動農忙新霽雨回首忽大笑嘉客在何許
揖罷埽石磴艸艸成賓主顧我寡僕御道我遠勞苦
摘糠供我食剗瓜解我暑為說溪流勝五十來未覩
言下勇往觀相勸暫延佇臨眺有時節如今日方午

其二

人事近何如久未到城邑稍稍陳兩端駭非耳所及
離郭纔幾里歎已脫塵紮間示性命學自謂進前習
謂我應飛騰胡為滯原隰但笑而不答陰雲忽四集

披衣下長阪岸勢仍壁立菊花舊蒙茸今看富

行念九月天酒熟還賞給出壑恠風雨谿水北流

其三

混混赴大壑就下精神王亂石羅礪中相激恣跌宕
雷聲地底殷雪花崖頭放噴瀑似喘呼領略不一
初作怒濤觀塵慮胥凋喪突成按劍思壯志更惆
豪者勃以興孱夫魂為愴對此足移情何必駕海
莊周寓濠梁夫子在川上九原未可作誰知我心

其四

主人促余歸家中雞黍具留翫此蕭條昔年酒不
幾時倘再來聊為構村酌山水觀未止尚有絕佳
南洞簾已垂龍口噴成樹芝擘小閣邊三泉瀉交
願陪汗漫遊無如天景暮明當侵曉發或可窮其
黽勉勸加餐諄切吐情愫欲別不忍別送送夕門

藏書目錄

附明朝顏賜字富者

四書大全

四書蒙引

四書存疑

五經大全

十三經註疏

二十一史

資治通鑑

性理大全

平陰縣志

卷八下

五倫全書

陰騭書

大觀本草

黃帝素問

靈樞經

難經

丹溪心法

萬病回春

以上俱逸

古今著述目錄

附

扁鵲內經

見史記

于長天下忠臣論九篇

見史記

李之紹果齋集

見通志

劉增光星曆考

歲差

井田

陣法

乾坤正理解

今逸

何海晏敬菴文集

候蟲鳴詩集

今逸

趙雲翔葆和堂詩

葆和堂樂府

今存

劉敬業岱松辯

今逸

趙岱禮經集解 今逸

二戴神台 今存

張承寵四聲鼓吹 今逸

孫慶麟四書說約

五經說約 今存

張子冕綱鑑集說

童蒙廐 今存

賈廷擘漢典蒼璧 今存

張鯉西臺奏議 今逸

程邦彥四書連章要訣

詩連章要訣 今存

張東山陽宅十書 今逸

盧出光省姬詩集 今逸

張宗旭古歡堂類疏十六卷 今存

趙貫台勿勿齋詩集 古今事物連類 今存

趙彤華甦嬰壽世 今存

災祥

春秋紀災異而不書所以致此之由聖人之慮至深遠矣天道隱而未可執一推也善言天者于其定必云某事得則某休徵應某事失則某咎徵應亡事亡應夫亡事亡應有事不應則賢者之志荒不肖之心肆矣然則洪範以五事配五行非歟曰武王聖人也聖人能謹天之常洪範爲聖人言也天下皆衆人也衆人喜談天之變春秋爲衆人作也吾切悲董仲舒劉向輩防微杜漸之旨甚深而慮不及此也志災祥

第四十

明

天順元年蝗

二年復蝗

弘治四年大旱民饑

五年張秋河決大水沒民

田

七年八年歲大熟

正德二年冬雨雪深三尺

三年歲大熟

七年蝗害稼

嘉靖二年春黑風暴雨木拔地震是歲大旱

三年春民大饑人相食 六年七年大蝗

萬曆三十八年

四十三年歲大饑人死大半

四十八年太白經天

天啓六年淫雨大水傷稼

七年黃塵蔽天白日晦冥

崇禎十三年野蝗害稼

十四年大疫民死十之七

十五年歲大饑人相食盜起

十六年冬黑風竟日夜刀鎗俱有火光如燈

是歲井泉俱枯

十七年春日出如血無光

順治七年河決張秋沒民田數百頃

八年至十二年河決沒民田

雜志

諸條目中例不得收者哀之爲雜志雖補贖遺虞聞見亦以示勸懲也事不足感人者不載懼濫雷同附會懼褻荒無渺茫懼疑不紀遠而紀近懼一事失真而羣指爲妄微獨貪殘亂賊之報凜然也卽間出于鬼神幻化而大旨歸之人事之感名讀邑里之書出父兄之口而頑然不信則非人也區區之意以是始之以是終之而已志雜志第四十一

醜箴被害

春秋襄公二十五年齊崔杼弑其君

光嬖臣賈舉州緯等十人皆死崔氏殺醜篋于平陰篋平陰大夫公之外嬖也

令柔妄殺 五代晉天福年間兗州捕盜使者張令柔殺平陰十七村民殆盡

任公刈麥 金大定間邑民任公行田野中忽聞空中連呼刈麥者三公驚視無所見時麥已將熟乃急集有衆併力收刈刈甫畢天大雨雹傍鄰邑皆然公感神貺乃建義漿亭貯水以濟渴者 出舊志

景文貪癡 胡景文者居水山下嘗入山忽見金銀黃白滿地心甚喜思欲取之念力不能致趨歸呼其家人其往則一無所見然竟戀戀不能去乃遂結屋于山覬復有得踰十餘年不復顧家家遂凋落人莫不笑之當時爲之語曰胡景文水山頭上等金銀 云云 或曰水山寺名寶 云云 以其常函寶氣也此亦可見

嶽神顯異 邑東門外迤北有東嶽行祠相傳謂創自唐時視其廟貌誠亦古矣元未有羣盜自

號紅軍者攻城弗克乃屯聚于廟中有賊以刀
擊柱今柱仍有跡忽聞金革之聲大振來自東
南衆謂官軍且至相率驚走後卒無所見城得
無虞

額神息火 嘉靖癸未春大風飛塵揚砂晝晦邑
民邵春家適有火變衆皆驚惶謂不可救居民
悉壞室廬徙資財扶攜老幼至不能相顧縣令
洪洞于公璞乃走禱於城隍曰惟神禦災捍患
保惠一方今民無辜被火勢不可撲滅若令有
罪願火其身禱畢火爲頓息所燔邵春家止一
室耳衆皆謂于公誠能感神之靈應之速如
此長興知縣姜昂有記見藝文

劉璋雷擊 劉璋莫詳籍貫嘉靖初以避荒趨食
攜母與妻來孔子村爲人傭工一日鋤田遇暴
雨衆皆奔還時同行者四十餘人有黑雲覆地
隨之忽震雷一聲璋獨擊死所執鋤柄皆寸斷
視其背有蝌蚪書了不可辨旣而其母告人云
璋初自河北來有父雙瞽慮不能養因投其父

於河故有此報云

顧來周者東平人流來邑南岱西村爲人傭工亦因鋤田遇雨雲黑雨暴霹靂一震來周擊死鋤柄亦皆震碎視其身有火燒痕胸前有字如蝌蚪不可辨後詢于衆云周家貧常與其父共推獨輪車父力衰不能前周輒以杖毆之故果報如此

漢章鬼逮 靳漢章者邑之北里人也自少勇力過人年四十餘一日忽昏仆于地揮兩拳若有所擊衆皆大駭歷三日始甦自云初見二使若官府所差追捕人者輒以繩繫我自度無罪被繫因以拳擊之適有一白髮老人至謂二使曰汝誤矣所應追者河南靳學章也因招與俱往遂出界渡黃河至一處指示曰此是矣果有靳學章者二使執之以去我乃隨老人復還云平復如故後十八年以疾終

天福自繫 王天福者以屠爲業酗酒恃力靡所不爲因歲暮與同行者計筭貲利乘醉至城墮

前以泥污神像大肆詬詈後二日忽披髮跣足
伏于殿前自云爲城隍所繫衆共扶拽還家惟
言城隍取我不得擅脫遂死

徐氏自殺 邑民丁子勤妻徐氏平日事姑無狀

毆詈凌踐無所不至姑歿旣斂仍踐其柩出穢
言一日忽自擊自拔其髮須臾自抉其目雙睛
迸出遂自述平生不孝事遠近觀者如市人至
其前不問識與不識皆知其姓名一一呼而語
之如是者數日乃死

陳官寺 平之北鄉有陳四者膂力過人有羣賊
在草寺分贓陳持木梃尾擊之連縛二賊詣縣
縣令竒之授以應捕賊平報院授百戶後從南
征功陞千戶卒賜諭葬于草寺西鄉人改其寺
爲陳官寺云

三竒碑 東昌府學有三竒碑乃王去非文党懷
英篆王庭筠書

斷二婢 孔天經嘉靖中爲浙之龍泉簿有富民
亡其婢婢父母以爲其主殺之告縣繩之以刑

平陸縣志 卷八
誣服孔告宰曰人命以屍傷爲憑不得其屍此
必有故宰日久知公能吏卽以屬公公使役踪
跡于旁郡獲原婢焉密置于衙乃攝兩造出其
婢于簾內父母相持而痛富民叩首泣謝曰非
公則民寃死囹圄矣宰歎服

大度恤幼 孔承顏萬曆時人有里人陳某賣地
一區于孔後逃荒外出數載絕音其子陳允執
言未賣認爲已物孔任其耕種絕不與校或曰
此公有也奚爲不爭孔曰吾不欲因一地而
我恤幼之意也異日某歸深責其子叩首謝罪
曰公之大度世無與比

平陰縣志跋

古者諸侯之國有太史之
官主書其一國之事若董
狐倚相稱良史是也有行
人之職往來聘問而觀列

國之風若季札子產稱博
物君子是也二者事雖不
同而意皆主於勸戒自諸
侯變而郡縣以迄于今國
史之事則官斯土者任之
矣雖然官斯土者能任其
事而不能必文獻之足徵
足徵矣不更歷數人則衆
善不備備矣不經其邑之
耆碩而為達賢者之手則

不尊不信必每進加盛而
史之能事始畢今

方伯陳公曩宰平邑值

國家戎衣甫釋之時創痍未復
而平陰之民一殘于兵再
殘於歲三殘於猛虎之政
公下車怒焉心惻漸用手

摩百堵作而哀鴻集如久

病之後氣息僅屬徐投之

和平溫補之劑垂絕者始

有生全之理也公曰政如
 斯而已乎每調琴馴鶴之
 暇登高以望愾然而念夫
 平陰者隸鄒魯之區而分
 鳧繹之靈者也冠蓋蟬聯
 文章鵲起豈無文獻足徵
 而邑乘缺焉不脩非有土
 之責哉爰進邑之孝廉趙
 君明經張君而勉之曰為
 我志之蓋幾閱月而書成

公讀之喜乃郵致

京師屬邑之
大司空朱嵩

若先生丹腹之適以報政

上考分猷齷務橐雖就未

付梨棗未幾而嘉猷茂著

于秦晉未幾而時陳臬事

于金陵矣然時時眷念是

書未嘗去諸懷也庚子辛

丑之歲余奉

簡書督學山左車轍所至輒詢

其邑之賢大夫士而思投
分焉冀因以悉其傳人與
其傳書庶幾季札之于子
產叔向之于然明稱良遇
也究為至聖鍾靈涵濡之
地而其邑多及門賢者
所產與其所治典章文物
燦然可觀乃平陰之薦紳
先生多官于

京師雖獲奉教于陳公而已



非其邑之大夫求其邑乘
而觀則曰甫脫橐而未鉞
以不獲見為觀風之一憾
嗣後謁選

都門得與其邑之薦紳先生

同年少司馬忤庭孫公

居數晨夕者且數年所云

邑之耆碩而為達賢者朱
公以後一人爾念是書當
朱公屬續之際幾幾有散

亡之懼求而得之以克成
厥終為己任斟酌而飽滿
焉癸丑余承乏浙藩之儲
務方四牡戒途乃出其手
抄四冊謂余曰此吾邑之

志今江南憲使昔平陰歲

宰陳公之所鑒定而未銀

者也予行買舟維揚過金

陵其為我致之于公乞一

言弁其首而代鐫之余展

卷矍然曰是固向之觀風
平陰而不獲一見者乃今
見之且從遊其邑之薦紳
先生而將更謁夫向之所
謂賢大夫者則是役也詎
非其夙願哉謹諾而致之
公不意故物之復還也驚
喜過望走筆為序而仍以
屬之余居無何公復以奏
最藩翰此邦不敏如余且

有所矜式焉而是書適竣
是孫公之於是書聚千狐
之腋而成千金之裘也陳
公之於是書為合浦之珠
而余之於兩公為延津之
劍也謂非其厚幸耶陳公
得是書則向之以邑宰而
兼國史之事者可無憾矣
余于孫公辱在同譜于陳
公得侍同寅而又得卒業

陰鼎志跋
于是書則向之觀風而不
獲因其邦之賢大夫士以
悉其傳人與其傳書者可
無憾矣余安敢以不文為
辭而不勉附一言于後以
自托于不朽耶夫是故續
紹而不恥也

康熙十三年甲寅仲夏上
浣之吉

賜進士出身浙江等處承宣布

政使司曾... 增務道

叅議南提督山東通省學

政按察司... 刑部四川

清吏司郎中... 州司員外

山西司主事... 劉昌臣

拜手撰



平倉錄

三

平陰縣志跋

周官外史掌四方之志小史掌邦國之志志卽史也
國史海也郡邑志江河也古人祭川先河後海則郡
邑之志之不可缺也然而纂修良不易矣劉知幾曰
史有三長才學識缺一不可鄭樵亦云志者憲章之
所係必老於典故然後能爲余非其人也奚志之能
修然而志不可不修也修之於天開地闢棋置局更
之日尤不可以已也蓋代不能無興廢物不能無成
毀所藉以流傳不朽者獨記載之文耳記載之文泯

則聞見與傳聞俱泯卽當世珥筆何據而綜後人授
策何憑而核乎平舊有志一冊頗嫌簡陋僅如焦僥
具體渾沌完形而已垂八十稔俄羅兵燹焚逸殆盡
使非及時綴輯世且不知平陰爲何土矧其中之事
蹟人物有不與荒烟腐草同歸漫滅者乎顧待其人
而後行無其人則亦虛願之不至而已矣頃值

清興十一載遼左

陳明府來蒞茲土文治覃敷百務具舉一日見靈河
長聘余修滑乘遂慨然任其事比竣役歸卽以見屬
余謝不敏舉戒丘師自代以其耆宿淹雅文獻足徵
也而明府顧采葑及下是洵一時之遇亦殘邑之
幸也誼不容推遂因而卒業務卷凡八列目五十有
一爲序四十有一以冠之較之前編差爲櫜括矣第
緝帙弗備徵事或疎鞏悅未工屬辭多弁且網羅數
千載事以成一書豈無得失誠有蘇長公之畚劉北
輿者後之視今將無如今之視昔乎惟是崔浩之揭
市榜涉於謗余不敢爲也陳壽之索斛米涉於私余
不敢爲也楊維禎之咏血書方孝孺之辨割股涉於

苛余亦不敢爲也紀之以實裁之以義無黨無偏不
僭不濫是則余之所矢盟而可上報 侯命者漆園
吏曰火傳於薪不知其盡也無薪何以有火後有作
者此爲之薪耳異時輶軒之使徧徵圖籍以成一統
之書以勒千秋之盛則 陳明府之功安可誼耶而
余與介丘師殆猶蚤之附驥已爾

順治甲午清明前邑舉人紫垣甫趙貫台謹跋



